

漢書疏證

漢書疏證卷四

異姓諸侯王表第一

愚按此本史記秦楚之際月表而作史以秦  
楚項趙齊漢燕魏韓為分厥後楚分為三趙  
分為二齊分為三秦分為三燕分為二魏分  
為二韓分為二蓋本項羽所封以漢元年為  
始以孝文後元七年為終

反漢誅荼

史記五年九月索隱曰漢書作四年九月誤

嚮應瘠也於謗議

隸辨曰按易繫辭其受命也如嚮釋文云嚮又作響莊子在宥篇聲之於嚮釋文云嚮又作響荀子君子如嚮矣楊倞注云嚮與響同劉熊碑莫不嚮應又張釋之傳疾於景嚮師古曰嚮讀曰響

諸侯王表第二

太公於齊亦五侯九伯之地

愚按此本史記而誤史云太公於齊兼五侯地於自撰齊太公世家已不合而班氏率爾

仍之不知五侯九伯之地已盡天下太半齊地何至若是之廣左氏云五侯九伯女實征之遷固讀之不熟故有是言

衰則五伯扶其弱與共守

師古曰此五霸謂齊桓宋襄晉文秦穆吳

也夫差

愚按不數楚莊而列夫差是師古之失

有逃責之臺

劉德曰洛陽南宮謚臺是也 水經注曰洛

陽諸宮名曰南宮有謚臺臨照臺東京賦曰

其南則有謠門曲榭依阻城洫注云謠門冰室門也謠門即宣陽門也門內有宣陽冰室被竊缺之言

竊缺本呂氏春秋

波漢之陽亘九嶷為長沙

困學紀聞曰漢大啟九國燕代齊趙梁楚荆吳淮南淮陽皆同姓也長沙異姓不與焉漢表削淮陽而列長沙當從史記愚按漢初封淮陽者二始則子友後則惠帝子武友後封趙子武已在外戚恩澤侯表中班氏削之蓋以就其史體諸表中可互相證也史公雖

云長沙異姓班書作異姓諸侯王表吳芮已  
列十八王中為衡山王至景帝時長沙以封  
子發則叙漢地形焉可不列長沙乎况史公  
之序原以長沙與梁楚吳淮南並列班氏特  
增潤其文耳今諸表細考之孟堅欲自別于  
史公盖有深意未可厚非也

作左官之律

師古曰漢依上古法朝廷之列  
以右為尊故謂仕諸侯為左官

刊誤補遺曰按士為曰今分土而官之是左  
之也則左官之言在春秋已如此王叔與伯  
輿爭政王右伯輿范宣子曰天子所右寡君

亦右之所左寡君亦左之右之云者非以右  
為尊而然也以一人之身言之左陽右陰固  
有定體然黃帝書謂地不滿東南故左手足  
不如右強禮左胸右末注謂從右手取之之  
便然則所謂左之右之者譬手之用事與否  
耳故杜征南解左公之右云用事也解不亦  
左乎云不便也寔用此意文紀右賢左戚注  
引韋昭曰右猶高左猶下也似未得其要領

齊悼惠王肥

永光四年孝王橫嗣

小宋板本橫作烘

中山靖王勝

元封元年穰王昆侈嗣

師古曰穰音與

康同穰  
惡謚也

愚按漢書即以穰為康非直音同乃字同也

謚法好樂怠政曰穰即詩無已太康之康

常山憲王舜

元鳳元年三月丙子勤王綜嗣

劉歆曰昭帝紀元鳳元年立戴王遺腹子煖

此表名綜二者不同

孝成時河間廣德定陶三國孝哀時廣平一國孝

平時東平中山廣德廣世廣宗五國皆繼絕

劉歆曰高帝封諸侯王其子孫無有與漢俱



存亡者文帝封梁王城陽菑川景帝封河間  
長沙中山常山昭帝封廣陽廣陵高密此數  
國至王莽篡漢而廢宣帝所封有至王莽時  
者年淺不足云

### 王子侯表第三

日知錄曰漢王子侯之盛無過哀平之間王  
莽傳五威將帥七十二人還奏事漢諸侯王  
為公者為上璽綬為民後漢書城陽恭王祉  
者皆降稱子食孤後漢光武紀建武二年十  
卿祿後皆奪爵二月戊午詔曰惟宗室列侯為王莽所廢先

靈無所依歸朕甚愍之其竝復故國若侯身  
已沒屬所上其子孫見名尚書封拜是皆絕  
于莽而復封于光武之時然漢書表傳中往  
往言王莽篡位絕而表言安衆侯崇居攝元  
年舉兵為王莽所滅侯寵建武二年以崇從  
父弟紹封十三年侯松嗣今見師古曰作表  
時見為侯也表言今見者止此一人是光武  
之時侯身已沒者其子孫亦但隨宜封拜而  
已光武紀十三年下云其宗室及惟安衆之  
絕國封侯者凡一百三十七人  
以故國紹封者褒崇之忠非通例也又莽傳

云嘉新公國師以符命為予四輔明德侯劉  
龔率禮侯劉嘉等凡三十二人皆知天命或  
獻天符或貢昌言或捕告反寇諸劉與三十  
二人同宗共祖者勿罷賜姓曰王惟國師公  
以女配莽子故不賜姓武五子傳廣陽王嘉  
以獻符命封扶美侯賜姓王氏諸侯王表魯  
王閔獻神書言莽德封列侯賜姓王中山王  
成都獻書言莽德封列侯賜姓王王子侯表  
新鄉侯佟莽傳作信鄉侯元始五年上書言莽宜居  
攝莽篡位賜姓王若此之類光武豈得而復

封之乎又王子侯表序曰元始之際王莽攝  
朝偽褒宗室侯及王之孫焉居攝而愈多非  
其正故弗錄旋踵亦絕又可見莽攝位之所  
封者光武皆不紹封也夫惟於親親之中而  
寓褒忠之意則於安衆之封見之史文雖略  
千載之下可以情測也此一代之大典不可  
不論 又曰武五子傳昌邑王賀廢封為海  
昏侯薨元帝復封賀子代宗為海昏侯傳子  
至孫今見為侯表云賀以神爵三年薨坐故  
行淫辟不得置後初元三年釐侯代宗以賀

子紹封傳至孫原侯保世嗣傳至曾孫侯會  
邑嗣免建武復封是光武之復封有此二人  
安衆以褒忠海昏以嘗居尊位故與

以諸侯王置土過制

師古曰置亦置字也

隸辨曰白石神君碑萬壽無疆字原云即疆  
字按說文置界也或從彊土作疆書召誥無

疆惟休古文尚書作薑張公神碑薑界寧靜  
樊敏碑華南西薑朱龜碑綏我土薑疆皆作  
薑

氏丘共侯寧國

史記氏作瓜寧作寧愚按寧與寧通酷吏寧  
成史亦作寧成也

楊虛侯將閭

史記作楊虛恭侯將廬 愚按此表有楊丘  
共侯安楊虛侯將閭皆齊悼惠王子而史記  
有楊虛無楊丘又以楊丘之恭為楊虛之謚

合為一人疑是史記之誤

休侯富 三年以兄子楚王戊反免三年侯富  
更封紅侯

刊誤補遺曰楚元王傳富坐戊反免侯削屬  
籍後聞其數諫戊乃更封為紅侯按表載元  
王子四人同以孝景元年封獨藝坐同反除  
其籍事見景紀平陸自更封侯楚王沈猶如  
故休侯何獨蒙其罪乎且先戊未及休侯已  
携其母奔京師自歸亦早矣無罪固不坐免  
何以更封為哉史記誤書更封班氏不能考

正使休侯更被免侯削籍之醜惜哉 又曰  
表載休侯畱改封紅侯而但以休侯列之史  
記年表既列休侯又列紅侯索隱曰休紅並  
列誤也漢表一書而已紅休蓋二鄉名按紅  
休既二鄉名則畱非更封益食紅鄉耳如夏  
侯嬰封汝陰侯而益食細陽皇甫嵩封槐里  
侯而食槐里美陽兩縣是其明比畱本封休  
鄉又以紅鄉益之者豈以自歸之早用是優  
寵之耶不然紅休當是一邑初不可分而為  
二故畱至曾孫國絕而五世孫歆以他功封



紅休自太史公一誤至孟堅僅能於此表士  
並列之失又於功臣表云八人在王子師古  
曰王子侯表其數七人此乃以休及紅為二  
則顏監亦自以分二為不然

沈猷夷侯歲

史記歲作穢

容陵侯福

史記容作句

廣戚節侯將

史記將作擇

盱台侯蒙之

史記蒙作象

胡孰頃侯胥行

史記胡作湖無行字

秣陵終侯經

史記秣陵作秩陽經作連

淮陵侯定國

史記淮作睢

張梁哀侯仁梁共王子

史記作江都易王子

龍丘侯代蓄川懿王子

史記作江都易王子

懷昌夷侯高遂

史記懷昌作壤

四年胡侯延年嗣

史記延年作延

臨原敬侯始昌

史記原作衆

平的戴侯強

史記的作酌

劇魁夷侯黑

史記黑作墨

元封元年思侯招嗣

史記招作昭

平度康侯行

史記行作衍

臨朐夷侯奴

史記夷作哀

辟土節侯壯

史記無土字

封斯戴侯胡傷

史記作共侯胡陽

榆丘侯受福

史記受作壽

廣望節侯忠

史記廣望作望廣忠作安中

薪館侯未央

史記薪作薪下薪處侯同

陸城侯貞

史記陸作陞

卑梁侯嬰

史記卑作畢

旁光侯殷

史記旁作房

萋節侯退

史記萋下有安字退作邈

平城侯禮

史記平城作成平

陰安康侯不害

史記陰作陪

元鼎三年哀侯泰容嗣

史記泰容作秦客

榮闕侯騫

史記闕作簡

周望康侯何

史記望作堅

蕞侯信

史記蕞作叢

安陽侯樂

史記樂作桀

富侯龍

史記龍作襲

蘭侯罷軍

史記罷軍作憊

土軍侯郢客 坐酎金免

史記云坐與人妻姦棄市

寧陽節侯恬

史記恬作恢

瑕丘節侯政

史記政作貞



都粮侯騎

史記粮作狼騎作騎

陸地侯義 二月乙卯封

史記陸地作陘城二月乙卯作三月癸酉

邯平侯順 三月乙卯封

史記作四月庚辰

路陵侯童

史記路作洛童作章

騶丘敬侯寬

史記騶作鈞寬作憲

廣陵麤侯裘

史記麤作常裘作表

杜原侯臯

史記杜作莊

臨樂敦侯光

史記敦作敦

重侯擔

史記云千鍾侯搖

被陽敬侯燕  
穰侯偃嗣

史記被作披偃作隅

柳康侯陽己

史記陽下無己字

歆安侯延年

史記歆作部

乘丘節侯將夜 三月癸酉封

史記乘作桑將夜作洋三月癸酉作十一月

辛酉

安郭于侯傳冒

史記傳作博無冒字

安道侯恢

史記道作遙

都梁敬侯定 頃侯後嗣

史記定作遂後作係

洮陽靖侯狩燕

史記狩燕作狗毚

虢康侯澤

史記虢康侯作雩殷

原洛侯敢

史記原作石敢作敬

挾術侯昆景

史記挾術作扶滯景作吾

挾釐侯霸

史記挾作校

文成侯光

史記文作父

庸侯餘

史記餘作譚

彭侯彊

史記彊作偃

軻節侯息

日知錄曰師古曰執即執字也又音孤地理志北海郡下執侯國師古執即執字二音不同而功臣表執講侯杆者師古執孤同河東郡下作孤講又未知即此一字否也

### 拘侯賢

史記拘作拘賢作買

### 涓侯不疑

史記涓作涓索隱曰表在東海按涓水在南陽有涓侯縣疑表非也

陸元侯何 七月辛卯封

史記作四月戊寅

俞閭煬侯毋害

史記毋作不

襄陵侯聖

史記陵作隄

祝茲侯延年

史記無年字

松茲戴侯霸 元始五年六月辛丑封

劉歆曰元始當為始元

衆陵節侯賢 頃侯慶嗣

王莽傳及翟義傳並云泉陵師古曰表誤  
新鄉侯豹侯佟嗣 始元五年上書言王莽宜  
居攝

愚按王莽傳作信鄉侯師古曰古者新信同  
音故耳

景成原侯雍河間獻王子

劉歆曰獻王薨至此六十年不應有未封之  
子起誤

高成節侯梁長沙頃王子



日知錄曰一卷中再見一始元元年六月乙未封一元康元年正月癸卯封此並存未定當刪其一而誤留之也

襄平侯疊廣陽屬王子

劉攽曰廣陽無屬王當是廣陵王

方鄉侯常得廣陽惠王子

劉攽曰廣陽亦無惠王疑是思王

徐鄉侯快膠東共王子

愚按王莽傳作快師古曰疑表誤

高惠高后文功臣表第四

又作十八侯之位次

日知錄曰十八侯位次一蕭何二曹參三張  
敖四周勃五樊噲六酈商七奚涓八夏侯嬰  
九灌嬰十傅寬十一靳歙十二王陵十三陳  
武十四王吸十五薛歐十六周昌十七丁復  
十八姁達當時所上者戰功而張良陳平皆  
居中計謀之臣故平列在四十七良列在六  
十二也至十八侯贊則蕭何第一樊噲第二  
張良第三周勃第四曹參第五陳平第六張  
敖第七酈商第八灌嬰第九夏侯嬰第十傅  
寬第十一靳歙第十二王陵第十三韓信第

十四陳武第十五蟲達第十六周昌第十七  
王吸第十八而無奚涓薛歐丁復此後人論  
定非當日之功次矣且韓信已誅死安得復  
在功臣之位即此可知矣

留文成侯張良

以韓申都下韓

師古曰韓申都即韓王信

也楚漢春秋作信都古信申同義

劉攽曰韓申都即韓申徒也如顏說何緣言

以韓申都下韓子謂張良傳以韓司徒下韓  
數城史記申徒申徒者司徒之聲轉也申都  
者又申徒之聲轉也良下韓時隨韓王成非

韓王信也

刊誤補遺曰司徒古官見于虞

周之書迨春秋戰國之際官稱各從其國其  
自我作古者多矣豈復可繩以虞周之舊哉  
意申徒之在韓國自是一官非必司徒之訛  
而然史記高祖與魏將皇欣魏申徒武軍  
并攻昌邑則魏亦有申徒之官韓魏分晉而  
王豈申徒本晉故官邪

梁韜孝侯武虎

史記作武儒

裴夷侯孔聚

以執盾前元年從起碭

師古曰  
前元年

謂初起之年即秦胡  
亥元年後皆類此

刊誤補遺曰漢紀二年沛公將瑒郡兵西灌  
嬰以中涓從按嬰侯狀從起瑒與孔聚同則  
前元年謂胡亥之二年非元年也是歲後九  
月楚懷王以沛公為瑒郡長封武安侯方高  
祖之起沛父老迎以為令耳徒以楚制故稱  
公至是封武安然後始有封爵列于諸侯以  
始封之歲稱元年固其所也其後王漢中乃  
復以至霸上之年為漢元年故謂胡亥二年  
為前元年者所以別漢元年也顏說以初起

為元年按初起在胡亥元年九月史記本紀  
止載攻方與一事而月表及漢書又以此事  
書于明年七月此孔叅以下十一人所從起  
之地皆不在此耳 又曰侯狀載前元年從  
起者孔叅之外都昌侯朱軫以舍人從起沛  
厭次侯爰類以謹將從起留棘蒲侯陳武以  
將軍將卒二千五百人起薛費侯陳賀以舍  
人河陽侯陳涓以卒芒侯彤跽以門尉陳丘  
侯襄以隊史皆從起陽陽夏侯陳豨以特將  
從起死胸阿侯郭亭以連敖甬侯張平以中

尉皆從起單父所云從起沛者非初起之日  
蓋胡亥二年端月攻豈不能取而沛公以病  
還沛時也從起留者謂是月收兵聚留時也  
起薛者謂是月項梁渡淮武以兵屬梁肯也  
從起宕者謂二月拔碭收兵得五六千人時  
也從起宛胸者謂七月屠城陽之時城陽宛  
胸皆屬濟陰故也從起單父者亦在是年取  
宛胸之後周勃傳云襲取宛胸得單父今是  
也凡此皆明亥之二年乃知前元年非胡亥  
元年明甚 又曰史記秦楚之際月表秦二

世元年九月沛公初起索隱曰凡十四月懷  
王封沛公為武安侯按沛公之十四月則二  
世二年後之九月也是月懷王封沛公為武  
安侯表當以是歲書武安侯元年可也乃復  
以月累之至二十七月而書漢元年二十九  
月而書正月初不載前元年事獨於功臣表  
言之意此為當時諸臣伐閱本語以別武安  
之元與漢元年者也漢紀於胡亥二年書沛  
公二年於胡亥三年書沛公三年於明年十  
月書漢元年與表不叶又于胡亥元年不書



沛公元年皆缺疑也

陽信胡侯呂青

史記陽信作新陽

汴防肅侯雍齒 以趙將前三年從定諸侯

史記防作邠子荒侯鉅鹿作臣 刊誤補遺

曰按表以胡亥二年為前元年胡亥三年為前二年至是年九月子嬰即位月表於十月已書漢元年則武安有元年二年而無所謂前三年者意齒侯狀所云亦當時伐閔本謂未王漢以前十月至十二月為前三年耳月

表於十月書漢元年自是史家追書

海陽齊信侯搖毋餘 侯千七百戶

史記作千八百戶

曲成圉侯蟲達 為執金吾

史記作為執珪

淮陰侯韓信 為連敖典客

史記典作票

柳丘齊侯戎賜 侯八千戶

史記作侯千戶

魏其嚴侯周止

史記止作定

平悼侯工師喜

史記作沛嘉

城父嚴侯尹恢

史記城父作故城

昌武靖信侯單究

史記究作甯

高苑制侯丙倩 侯千六百五戶

史記作侯千六百戶

終陵齊侯華毋害

史記終陵作絳陽

東茅敬侯劉到

史記到作劉

安平敬侯鄂秋

史記作諤千秋

厭次侯爰類

史記作元頃

平臯煬侯劉宅 侯五千八百戶

史記作五百八十戶 愚按史記為是且表  
云功比軼侯軼侯止七百戶則平臯不應相

去懸絕如此

栢至靖侯許盜

史記作許溫

中水嚴侯呂馬童

夷侯瑕嗣

共侯青肩嗣

侯宜城嗣

史記瑕作假眉作肩城作成

杜衍嚴侯王者

史記作王翳

棘陽嚴侯杜得臣

以卽將迎左丞相軍擊項

籍侯二千戶

史記作以擊諸侯侯千戶

平棘懿侯林摯

史記摯作執

深澤齊侯趙將夕

史記作趙將夜

摯頃侯溫疥

史記摯作恂

歷簡侯程黑

史記歷作磨

武原靖侯衛肱

史記作衛肱

宋子惠侯許癰 五百三十六戶

共侯留嗣

史記作五百四十戶留作不疑

猗氏敬侯陳邀 侯千一百戶

史記作侯二千四百戶

清簡侯室中同

史記作空中

吳房嚴侯楊武 三月辛卯封

史記作二月辛巳

昌圍侯旅卿

史記作廬卿

共嚴侯旅罷師

史記作廬罷師

關氏節侯馮解散 以代大與

史記大與作太尉

安丘懿侯張說 又搏拚完為城旦 拚師古曰搏拚謂搏擊也

拚拚人而奪其物也搏字或作搏一曰六博也

拚意錢之屬也皆謂戲而取人財也貨殖傳掘

成富顏注同

刊誤補遺曰按潛夫論今人奢衣服侈飲食  
或以游博持掩為事則博當作博顏注謂戲



而賭取財物此說是也或疑史以博掩與掘  
冢并言之郭解傳亦云作姦剽攻鑄錢掘冢  
則擊鑿之義為長按貨殖傳所云非發丘冢  
土之謂亦博戲之一名耳事固有名齊而實  
不同者洪慶善論韓文公詩碁槩以相娛引  
唐人冢子地掘槩之句為證得非掘冢之遺  
戲乎不然斯盜而已何名為貨殖哉其言犯  
姦成冢蓋漢制博戲犯令則充徒後元鼎中  
初嚴此禁命曰株送徒列侯坐此為城旦者  
印侯樊侯安丘凡三人王符言游博即用莊

周書所謂博塞以游者又具之浮侈篇決非  
割攻類也博揜本漢人語符漢人宜得其實

龍陽敬侯陳署

史記無陽字

平嚴侯張膽師 康侯惇嗣

史記作繁莊侯彊膽惇作昫獨

陸量侯須無

史記量作梁無作毋

高景侯周成

史記景作京

義陵侯吳郢

侯重嗣

史記郢作程重作種

慎陽侯樂說

史記作樂說

禾成孝侯公孫昔

史記作公孫耳

長修平侯杜恬

侯千九百戶

史記作千五百戶

伋紹侯公上不害

史記伋作汲

汾陽嚴侯靳彊 從起櫟陽

史記櫟陽作陽夏

中年共侯單右車

史記作單父聖 愚按索隱云漢表作單父

左車今本作單車是傳寫誤也

卽嚴侯黃極忠 夷侯榮成嗣

史記作慶侯榮盛

陽羨定侯璽常

史記羨作義

高陵圉侯王虞人

史記作王周

威圉侯季必 侯千五百戶 躁侯瑕嗣

史記云合千戶躁侯瑕作齊侯班

穀陽定侯馮谿

史記陽作陵

景嚴侯王競 戴侯真粘嗣 侯嬖嗣

史記景作甘泉競作竟真粘作莫搖嬖作嫖

張節侯毛釋之

史記作毛澤

荈棗端侯草朱

史記革朱作杰

僞陵嚴侯朱漢 侯二千七百戶

史記僞作鄔無二千字

鹵嚴侯張平

史記鹵作菌

軟侯黎朱倉

史記作利倉

山都貞侯王恬啓

史記啓作開 刊誤補遺曰張釋之傳中尉

條侯與梁相山都侯王恬開見釋之持議平

結為親友按亞夫為中尉在後六年是時釋之固在廷尉若山都侯之卒乃在孝文前四年距釋之為廷尉凡十六歲相去遠甚疑恬開以後四年卒史文脫一後字耳恬開卒於後四年則其同朝正釋之為廷尉日也又曰或謂恬開與其子為侯歲數年表紀之甚詳不應有誤是不然史記表文初脫一字以後四年為四年後人不知其脫字也遂改易歲數遷就其說疑年表恬開下書五三二十當作五二十三其書五者恬開在高后朝為

侯之歲書二十者恬開在文帝朝為侯之歲  
又書三者中黃在文帝朝嗣侯歲數也至班  
書年表不能考正遂摠之云恬開八年薨以  
釋之傳推之其實二十五年然後薨也不然  
則釋之傳誤書恬開姓名亦不可知二者必  
有一謬

祝茲夷侯徐屬

史記祝作松

成陰夷侯周信

史記陰作陶



醴陵侯越 侯六百戶

史記作九百戶

汴陵康侯魏駟

史記汴作波

餅侯孫單

史記作孫鄭

襄城哀侯韓嬰 侯二千戶

史記作千四百三十二戶

景武昭宣元成功臣表第五

乃有弓高襄城之封

師古曰弓高侯類當襄城侯禁龍皆從匈奴來降而

也得封也

愚按孝文時功臣表弓高侯韓頽當以匈奴相國降故韓王子襄城侯韓嬰以匈奴相國降韓王信太子之子以故下文云雖自外徠本功臣後若桀龍之封襄城在武帝元朔四年不但與上文至于孝文時不合并與功臣後一語無涉

江陽康侯蘇息

史記作蘇嘉

新市侯王棄之

父悍以趙內史

史記作王康父悍作慎

安陵侯于單 侯千五百五十戶

史記作戶一千五百一十七

通侯陸彊 侯千五百七十戶

史記作隆疆戶五千五百六十九

容成攜侯徐廬 康侯纏嗣

史記纏作緯

易侯僕黥

史記作僕黥

范陽靖侯范代 侯六千二百戶

史記作伊千一百九十七

亞谷簡侯盧它之侯千戶

史記作盧它父侯千五百戶刊誤補遺

曰亞谷簡侯作惡谷避暑錄云有獲周惡夫  
印者劉原父曰此漢條侯印也古亞惡二字  
通用史記亞谷侯漢書作惡谷葉左丞因親  
條侯名作亞父之亞音未必然春秋衛有醜  
夫蓋古人命名亦多以惡名者安知亞夫不  
為惡夫也按書大傳武王升舟入水鐘鼓惡  
觀臺惡將舟惡宗廟惡鄭康成謂惡為亞則

惡夫正應與亞父之亞一音耳然水經櫟陽縣漢丞相周勃冢北有弱失家惡弱名復相類所未詳也

特轅侯樂 元朔元年後九月丙寅封

史記特轅作持裝元朔元年作元光六年

襄城侯桀龍

史記作無龍 愚按索隱云漢表作襄武侯

今本仍作襄城是傳寫誤也

軹侯李朔 四月乙卯封

史記軹上有涉字乙卯作丁未 愚按衛青

傳亦作涉軹則是表脫一涉字也

從平侯公孫戎奴 坐為上黨太守發兵擊匈奴

史記上黨作上郡

隨城侯趙不虞 先登石壘

史記石壘作石累

潦悼侯王援訾

史記作王煖訾

從票侯趙破奴 二年三月丙戌封

史記三月丙戌作五月丁丑

煇渠忠侯僕朋

史記作僕多

愚按本書霍去病傳亦作僕

多則朋字書寫誤

濕陰定侯昆邪

史記濕作濕昆作渾

隸辨曰說文濕從濕

縣从田从絲累即縣之省而譌曰為田耳如

顯亦從縣緩民校尉熊君碑顯皆為顯與濕

之為濕正同漢書功臣表有濕陰定侯地理

志霍去病傳王莽傳皆作濕陰則濕濕本是

一字 愚按霍去病傳濕亦作濕昆亦作渾

燁渠慎侯應元

史記作悼侯扁訾

邳離侯路博德

史記邳作符

杜侯復陸支

史記杜作壯

湘成侯敞屠洛 六月丙子封

史記丙子作丁卯下董舍吾雕延年同

散侯董舍吾

史記作董荼吾



外石侯吳陽

史記外作北

下酈侯左將黃同

史記酈作酈

轅陽侯江喜

史記轅作漵

商利侯王山壽

史記作王山

爰戚靖侯趙長年

史記作趙成

外戚恩澤侯表第六

愚按此表班氏所創呂公薄昭等為外戚寺人張釋丞相公孫弘等為恩澤

周呂令武侯澤

史記索隱曰周呂國也令武謚也一云令邑

武謚也水經注曰楚漢彭城之戰呂后弟

周軍於下邑高祖敗還從周軍史記項羽本紀云呂后兄

襄城侯義以孝惠子侯四月辛卯封三年為常

山王

愚按呂后紀注如淳引此表曰皆呂氏子也  
以孝惠子侯則明脫皆呂氏子也五字又紀  
言夏五月封此言四月辛卯不合下軹侯朝  
壺關侯武亦誤

鄔侯駟鈞

史記鄔作清都文帝紀封齊王舅駟鈞為靖  
郭侯師古曰表云鄔侯今此云靖郭豈初封  
靖郭後又為鄔乎鄔音一戶反又音於庶反  
章武景侯實廣國以皇太后弟侯萬一千戶  
史記作萬一千八百六十九戶

共侯定嗣

史記定作完

周子南君姬嘉

日知錄曰水經注漢武帝元鼎四年幸雒陽  
巡省豫州觀於周室邈而無祀詢問耆老乃  
得孽子嘉封為周子南君以奉周祀按汲冢  
古文謂衛將軍文子為子南彌牟其後有子  
南勁紀年勁朝于魏後惠成王如衛命子南  
為侯秦并六國衛最後滅疑嘉是衛後故氏  
子南而稱君也據此嘉本氏子南武帝即以

其氏命之為爵而漢書恩澤侯表竟作姬嘉則沒其氏而書其姓矣與褒魯之封公孫氏更為姬氏者正同

邛成博陸宣平紅舞陽秬樂陵都成新甫爰氏

合陽義陽章鄉信成隨桃褒新賞都十七人師古

曰据功臣表及王子侯表平帝時無紅字當為

勃立孫恭以元始二年紹封絳侯疑紅字當為

今此作章鄉二表不同亦當作童鄉侯

音也

褒魯節侯公子寬以周公世魯頃公立孫之立

孫奉周祀元始元年六月丙午薨十一月侯相

如嗣更姓公孫氏後更為姬氏  
日知錄曰公子公孫氏也姬姓也此變氏稱  
姓之一證